


Florin High School

7956 Cottonwood Lane, Sacramento, CA 95828
916-689-8600 Fax 916-689-7430
<http://fhs.egusd.net/>

Denise Escobar, Principal
Tobi Page, Vice Principal
Rudy Ortega, Vice Principal
Dave Nickerson, Vice Principal
Brian Brink, Teacher in Charge
JoAnn Milligan, Academic Program Coordinator



Ib Hli Ntuj, Tim 8, 2018

Nyob Zoo Florin High School Tsoom Zej Zog,

Raws le peb tau pib them kev kawm ntawv thib ob (second semester) ntawm lub xyoo kawm ntawv 2017-2018 nuav, kuv xaav siv lub sij hawm nuav lug thov kev txhawb nqaa nrug ob yaam kws tseem ceeb tshaaj plawg nuav – kev kaaj sab noj qaab haus huv rua cov tuab neeg tsaav tsheb/cov tuab neeg moog kev (driver/pedestrian safety) hab cov tub ntxhais kawm ntawv txuj kev tuaj kawm ntawv raws caij nyooog txhua nub (student attendance).

Txawm yog tas txuj kev Cottonwood Lane hab peb lub tsev kawm ntawv lub chaw nreg tsheb yeej tsi muaj tsheb coob npaum twg xws le cov tsev kawm ntawv kws muaj ob lub tsev kawm ntawv nyob uake xws le muaj lub tsev kawm ntawv them ob hab them peb ntawd uake, los nuav yeej tseem muaj kev tseem ceeb heev rua peb suav dlawg – cov tub ua dlej num, cov tub ntxhais kawm ntawv, cov nam txiv, cov saib, hab tsoom pej xeem ntawm zej zog – yuav tau lug saib txug txuj kev kaaj sab hab ua tuab zoo saib thaum peb tsaav tsheb nyob rua ntawm thaaj chaw ib puang ncig lub tsev kawm ntawv nuav.

Cov tuab neeg tsaav tsheb, thov kom ua zoo saib tsi txhob pub lwm yaam kev coj tsi zoo lug ua kom muaj kev kub ntxhuv; thov maam2 moog hab ua zoo saib thaum lug txug ntawm qhov kev ua rua tuab neeg hlaa; thov kom muab kev zaam ntxim ncaaj nceeg rua lwm tug tuab neeg tsaav tsheb hab rua cov tuab neeg moog kev.

Cov tuab neeg moog kev, thov siv hab moog kev rua saab kev kws yog ua rua tuab neeg moog kev hab saib kom zoo seb puas muaj tsheb lug ua ntej yuav hlaa kev; thov kom nkaag moog rua huv lub tsheb rua saab tsheb kws ua rua cov tuab neeg caij nkaag moog nyob hab saab tsheb kws tig moog rua saab kev ua rua moog kev ntawd nkaus xwb.

Yog koj tau pum cov kev coj ua tsi zoo lug ntawm ib tug tuab neeg tsaav tsheb los yog cov tuab neeg moog kev kws tau ua tej yaam tsi zoo tsi raws le txuj kev cai, thov has qha rua peb ntawm peb lub tsev tog txais (office), ib tug tuab neeg saib lub tsev kawm ntawv (Campus Supervisor), los yog peb tug tub ceev xwm ntawm peb lub tsev kawm ntawv (School Resource Officer). Tsi txhob moog nrug tug tuab neeg tsaav tsheb los yog tug tuab neeg moog kev ntawd thaam lug ntawm koj tug kheej.

Ib qhov kev txhawj xeeb tseem ceeb thib ob yog cov tub ntxhais kawm ntawv txuj kev tuaj kawm ntawv txhua nub, qhov tseem ceeb tshaaj yog tuaj kom raws caij nyooog moog nkaag rua hoob thaum yaav sawv ntxuv.

Peb lub tsev kawm ntawv qheb cov qhov rooj nkaag txhua nub thaum 6:30 (am) yaav sawv ntxuv, muaj kev paab cuam qha ua ntaub ntawv nyob rua huv lub hoob P-1 pib rua thaum 7:15 (am), hab tseem muaj pluag tshais lug noj dlawb pib rua thaum 7:30 (am). Peb yeej paub tas muaj ntau tsev tuab neeg kws tau coj puab cov mivnyuas moog kawm ntawv rua ntau lub tsev kawm ntawv txhua taag kig. Peb xaav thov cov nam txiv hab cov saib kom muab Florin High School ua puab thawj lub tsev kawm ntawv nreg tso puab cov mivnyuas ua ntej. Thaum lub caij nuav txhaj le tsi muaj tsheb coob2 tuaj nyob rua ntawm lub tsev kawm ntawv ua ntej thaum 7:30 ntawd, lub sij hawm tuaj rua thaum 7:00 moog txug 7:30 yog lub sij hawm zoo tshaaj plawg.

Ua koj tsaug rua koj txuj kev tau lug ua hauj lwm koom teg ua paab pawg nrug Florin High School lug txhawb nqaa taag nrho rua peb cov tub ntxhais kawm ntawv.

Muaj Kev Txaus Sab Ntau Heev,

A handwritten signature in black ink, appearing to read 'Denise Escobar'.

Denise Escobar
Thawj Xib Fwb (Principal)